

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-34-11302-5/23
Tuzla, 27.06.2023. godine

Na osnovu člana 23. stav (8) Zakona o visokom obrazovanju – prečišćeni tekst („Službene novine Tuzlanskog kantona“, br. 21/21, 22/21, 5/22, 11/22 i 16/22) i Izvještaja Komisije za utvrđivanje ispunjenosti uslova za početak rada i obavljanje djelatnosti visokog obrazovanja visokoškolske ustanove Univerzitet FINRA, Vlada Tuzlanskog kantona, na sjednici održanoj dana 27.06.2023. godine, d o n o s i

R J E Š E N J E

o ispunjavanju uslova za početak rada i obavljanje djelatnosti visokog obrazovanja

Ovim rješenjem utvrđuje se da visokoškolska ustanova Univerzitet FINRA ispunjava uslove za početak rada i obavljanje djelatnosti visokog obrazovanja.

Obrazloženje:

Visoka škola za finansije i računovodstvo FINra Tuzla, kao osnivač, podnijela je zahtjev Vladi Tuzlanskog kantona (u daljem tekstu: Vlada Kantona) putem Ministarstva obrazovanja i nauke Tuzlanskog kantona (u daljem tekstu: Ministarstvo), broj: 01-308-1/23 od 30.03.2023. godine, kojim se traži donošenje rješenja o ispunjenosti uvjeta za početak rada i obavljanja djelatnosti visokog obrazovanja visokoškolske ustanove Univerzitet FINRA.

Uz zahtjev, Visoka škola za finansije i računovodstvo FINra Tuzla dostavila je:

- Odluku o utvrđivanju prijedloga Odluke za imenovanje Komisije matičara (Senat FINra),
- Odluku o imenovanju Komisije matičara (Upravni odbor FINra),
- Odluku o imenovanju Komisije matičara (FINconsult d.o.o.),
- Izvještaj o radu Komisije matičara sa priložima (Odluka o konstituisanju Komisije matičara i izboru predsjednika, Odluka o usvajanju nastavnih planova i programa, Nastavni planovi i programi, Odluka o pravilima studija za I, II i III ciklus, Pravila studiranja za I, II i III ciklus studija na Univerzitetu FINRA, Odluka o utvrđivanju planiranog broja studenata za upis, Odluka o raspisivanju Konkursa za izbor u naučno-nastavna i saradnička zvanja, objavljeni Konkurs za izbor u naučno-nastavna i saradnička zvanja, zapisnici Komisije matičara sa I, II i III sjednice sa priložima, Odluke o izboru u zvanja i Preliminarni Plan realizacije nastave za pet studijskih programa koji će se realizovati na visokoškolskoj ustanovi Univerzitet FINRA, uključujući i II, III i IV godinu studijskih programa „Finansije i računovodstvo“ i „Računarstvo i informatika“),
- Odluku o davanju mišljenja na Izvještaj o radu Komisije matičara (Senat FINra),
- Odluku o usvajanju izvještaja o radu Komisije matičara (Upravni odbor FINra),
- Odluku o usvajanju izvještaja o radu Komisije matičara (FINconsult d.o.o.),
- Odluku o utvrđivanju prijedloga Odluke o osnivanju Univerziteta FINRA (Senat FINra),
- Odluku o osnivanju Univerziteta FINRA (Upravni odbor FINra),
- Odluku o osnivanju Univerziteta FINRA (FINconsult d.o.o.),
- Ugovor o regulisanju međusobnih prava i obaveza i odgovornosti radi osnivanja visokoškolske ustanove Univerzitet FINRA,
- Odluku o utvrđivanju prijedloga Odluke o davanju na korištenje poslovnog prostora, računarske opreme, bibliotečkog fonda i drugih nastavnih i specijaliziranih sredstava Univerzitetu FINRA u osnivanju (Senat FINra),

- Odluku o davanju na korištenje poslovnog prostora, računarske opreme, bibliotečkog fonda i drugih nastavnih i specijaliziranih sredstava Univerzitetu FINRA u osnivanju (Upravni odbor FINRa),
- Odluku o davanju na korištenje poslovnog prostora, računarske opreme, bibliotečkog fonda i drugih nastavnih i specijaliziranih sredstava Univerzitetu FINRA u osnivanju (FINconsult d.o.o.),
- Saglasnost Rudar d.o.o. za predmet ugovora o zakupu, ugovora o podzakupu, predugovora o zakupu,
- Odluku o usvajanju prijedloga za imenovanje lica koje će do imenovanja organa rukovođenja predstavljati i zastupati visokoškolsku ustanovu Univerzitet FINRA (Senat FINRa),
- Odluku o imenovanju lica koje će do imenovanja organa rukovođenja predstavljati i zastupati visokoškolsku ustanovu Univerzitet FINRA (Upravni odbor FINRa),
- Odluku o imenovanju lica koje će do imenovanja organa rukovođenja predstavljati i zastupati visokoškolsku ustanovu Univerzitet FINRA (FINconsult d.o.o.),
- dokaz da je obezbijeđen adekvatan prostor koji kapacitetom i veličinom odgovara potrebama studenata i specifičnostima nastavnih predmeta studijskih programa koji se realizuju (ugovori i predugovori o zakupu),
- dokaz o obezbjeđenju adekvatne računarske opreme,
- dokaz o obezbjeđenju adekvatnog bibliotečkog fonda ili zakonit pristup odgovarajućim elektronskim bazama podataka
- pregled predugovora o radu i predugovora o angažmanu za akademsko osoblje,
- dokaz da je obezbijeđen potreban broj kompetentnog akademskog osoblja (predugovori i odluke o izboru u naučno-nastavna zvanja),
- referens lista FINRa,
- referens lista edukativno-konsultantske kuće FINconsult d.o.o.,
- pisma preporuke,
- Ugovor sa EBSCO i dokaz o plaćanju licence za elektronsku biblioteku,
- Odluka o davanju saglasnosti za osnivanje nove visokoškolske ustanove Univerzitet FINRA, broj: 02/1-34-6688/22 od 29.03.2022. godine,
- Odluka o usvajanju Elaborata o opravdanosti osnivanja nove visokoškolske ustanove Univerzitet FINRA, broj: 01-02-560-4/22 od 15.03.2023. godine,
- dokaz da su osigurana potrebna finansijska sredstva za osnivanje i rad visokoškolske ustanove Univerzitet FINRA,
- dokaz o izvršenoj uplati za troškove postupka ispitivanja ispunjenosti uslova za početak rada i obavljanja djelatnosti visokog obrazovanja, i dokaz o uplati kantonalne administrativne takse.

Obzirom da nisu utvrđeni formalni nedostaci u dostavljenom zahtjevu, Vlada Kantona je imenovala Komisiju za utvrđivanje ispunjenosti uslova za početak rada i obavljanja djelatnosti visokog obrazovanja (u daljem tekstu: Komisija), u sastavu:

- prof. dr. Veljko Trivun – predstavnik akademske zajednice, predsjednik
- prof. dr. Božo Vukoja – predstavnik akademske zajednice, član
- prof. dr. Suad Halilčević – predstavnik akademske zajednice, član
- Elvira Avdibegović – predstavnik Ministarstva obrazovanja i nauke Tuzlanskog kantona, član
- Ena Morankić – predstavnik Ministarstva obrazovanja i nauke Tuzlanskog kantona, član.

Komisija je imala zadatak da izvrši ekspertizu i ocijeni ispunjenost uslova za početak rada i obavljanja djelatnosti visokog obrazovanja, pri čemu je bila obavezna upriličiti posjetu visokoškolskoj ustanovi po čijem zahtjevu postupaju, te je obavezna sačiniti i Ministarstvu dostaviti izvještaj o radu Komisije.

Komisija je pregledala dostavljenu dokumentaciju, te upriličila posjetu visokoškolskoj ustanovi dana 19.06.2023. godine. Komisija je u svom radu utvrđivala u kojoj mjeri su ispunjeni uvjeti propisani poglavljima II i III Standarda i normativa visokog obrazovanja na području Tuzlanskog kantona („Službene novine Tuzlanskog kantona“, br. 8/15, 4/16, 12/16, 9/17, 6/19 – tumačenje člana 8. stav (2) i 12/22)(u daljem tekstu: Standardi i normativi). Tokom utvrđivanja ispunjenosti uvjeta za rad i obavljanje djelatnosti visokog obrazovanja, Komisija je utvrđivala ispunjenost uvjeta po svakom pojedinačnom članu, od člana 6. do člana 27. Standarda i normativa, te za svaki pojedinačno dala ocjenu da su uvjeti ispunjeni.

Nakon pregleda dokumentacije i izvršenog uviđaja na licu mjesta, Komisija je sačinila Izvještaj u kojem je konstatovala da Univerzitet FINRA ispunjava sve uslove iz poglavlja II i III Standarda i normativa.

U skladu sa članom 23. stav (8) Zakona o visokom obrazovanju – prečišćeni tekst („Službene novine Tuzlanskog kantona“, br. 21/21, 22/21, 5/22, 11/22 i 16/22), na osnovu ocjene Komisije, Vlada Kantona donosi rješenje kojim se utvrđuje da li su ispunjeni uslovi za početak rada i obavljanje djelatnosti visokog obrazovanja, i isto dostavlja Ministarstvu na dalje postupanje.

Cijeneći priložene dokaze i mišljenje Komisije samostalno i u njihovoj međusobnoj povezanosti, Vlada Kantona je utvrdila da su za izdavanje predmetnog rješenja ispunjeni svi uslovi predviđeni Zakonom o visokom obrazovanju i Standardima i normativima visokog obrazovanja na području Tuzlanskog kantona, te je donijela rješenje kao u dispozitivu.

Pouka o pravnom lijeku: Ovo rješenje je konačno u upravnom postupku, te se protiv istog ne može izjaviti žalba, ali se može pokrenuti upravni spor kod nadležnog suda u roku od trideset (30) dana od dana prijema ovog rješenja.

DOSTAVITI:

- 1 x Univerzitet FINRA
- 1 x Ministarstvu obrazovanja i nauke
- 1 x Evidenciji
- 1 x a/a



PREMIJER KANTONA

Irfan Halilagić